

PREASSADIEÐÁHUS

Sámi Dáiddariid ja Girječálliid Buhtadusfoanda (SDGB) lea háldofoanda buhtadusaide mat máksojuvvojit oktasaččat sámi govvadáiddáriidda, dáiddaduojárriida ja dáiddalaš govvideaddjiide ja sámi girječálliide. SDGB ruhtadit stáhta girjerájusbuhtadus, čájáhusbuhtadus ja kopiijabuhtadus ja Sámedikki čájáhusbuhtadus.

Čuovvovaččaide lea juolluduvvon stipeanda sámi govvadáiddáriid, dáiddaduojárriid ja dáiddalaš govvideaddjiid gaskkas jahkái 2019:

1 jagáš bargostipeanda: Liselotte Wajstedt, kr 265 000,-

Liselotte Wajstedt lea filbmadahkki ja govvadáiddár ruoŧa beale Sámis eret, guhte bargá eksperimenella filmmaiguin, govaiguin ja animašuvnnain. SDGB bargostipeanda juolluduvvo prošeaktaabargguide “Kirunas Ortdrivaren”, performance ja oanehisfilbma, Ralph Erskina báras arkitektuvrra gaikkodeami birra Gironis, gos maiddá “Reinraid” filbma Gábna čearus lea mielde. Liselotte Wajstedta nubbi stuorra prošeakta lea iskkadeaddji filbma “Tystnaden i Sápmi” illastemiid ja psykihkalaš dávdmaid hárrá jaskatvuoda birra sámi servodagas.

Mátkestipeanda: **Marte Lill Somby**, kr 26 500,- mátkkoštit Ruonáeatnamii “De språkløse” prošeavtta oktavuodas.

Mátkestipeanda: **Susanne Hætta**, kr 50 000,- dokumenteret sámi dáiddajoavkku, Mázejoavkku, dáiddajoavkku girjjiin mii almmuhuvvo 2019 čavčča.

Mátkestipeanda: **Bente Geving**, kr 28 000,- researchmátkkiide “Stille synlig” prošeavtta oktavuodas juoigama ja sálbmálávluma birra.

SDS čájáhusstipeanda: **Age Gaup**, kr 55 000,- “Dološ giella – ođđa hápmi ja báhtareaddjit” čájáhusa lágidit Sámi Dáiddaguovddázis (SDG), Kárašjogas.

Ávnasstipeanda: **Marit Anne Sara**, kr 50 000,- ávdnasiidda ja prototýpaide “Pile Power” čikŋakonseptii.

Ávnasstipeanda: **Marte Lill Somby** kr 27 000,-, ávdnasiidda fotogovaide ja grafihkkii su buvttadeamis.

Ávnasstipeanda: **Hilde Skancke Pedersen**, kr 28 000,- dáiddaávdnasiid oastimii.

Ávnasstipeanda: **Andreas Holtung**, kr 24 000,- liinniide, báhpáriidda ja rámmemiidda.

Čuovvovaš sámi girječálliide lea juolluduvvo stipeanda jahkái 2019:

1 jagáš bargostipeanda; Rauni Magga Lukkari, kr 265 000,-

Rauni Magga Lukkari áigu stipeandda geavahit prošeavttaide «Deanu leagi healttat» ja «Láhttema birra» Ohcejogas. Son dovdá guovllu bures ja lea okta daid moaddásiin guđet ain dovdet ja sáhttet čilget dan mihtilmas ja ealli gielalaš girjáivuoda Ohcejoga guovllus Deanuleagis. Rauni Magga Lukkari lea okta daid eallilan girječálliin guđes lea hirbmat buorre máhttu kulturhistorjjá ja árbevirolaš servodaga birra Deanuleagis. Son lea alla dását ja mávssolaš barggu dahkan máŋggaid logemat jagiid sámegiel girječálliin.

Mátkestipeanda: **Katrine Olsen Nedrejord**, kr. 36 000,- researchmátki Ođđa Zealandii jearahallat ja researcha dahkat teahterbihtái mii máinnaša Ođđa Zealándda ja Norgga eamiálbmogiid.

Ávnasstipeanda: **Hege Siri**, kr 40 000,- oastit Mac oktan prográmmaiguin.

Gulahallit:

Stivrajođ. Geir Tore Holm, tlf. 926 96 465 Nubbijođ. Inga Ravna Eira, tlf. 412 74 675.